

17.2.2016.



U Sali ministarstva za privredu BPK Goražde danas je uz prisustvo predstavnika Vlasti, poslodavaca, sindikata, te gostiju upriličeno obilježavanje 10 godina od osnivanja Ekonomsko-socijalnog vijeća BPK Goražde.

Podršku u osnivanju Ekonomsko-socijalnog vijeća, kao tripartitnog tijela kojeg čine predstavnici vlasti, poslodavaca i sindikata, pružila je Misija OSCE-a u BiH s ciljem omogućavanja konstruktivnog dijaloga između socijalnih partnera na rješavanju ekonomsko-socijalnih pitanja od značaja za građane.

Ovim povodom predsjednik Ekonomsko-socijalnog vijeća Ibro Mašala osvrnuo se na dosadašnji rad ovog partnerskog tijela koje je u proteklom periodu dalo značajan broj prijedloga i sugestija za poboljšanje stanja u oblasti ekonomske i socijalne politike u ovom kantonu.

Čestitke povodom desete jubilarne godišnjice Ekonomsko-socijalnog vijeća u ime Vlade BPK-a Goražde uputio je ministar za privredu Esed Radeljaš koji je ovom prilikom ukazao na važnost zajedničke saradnje, te istakao da će Vlada i Ministarstvo za privredu nastaviti podržavati rad ove institucije kao jednog od ključnih partnera u planiranju i donošenju mjera u pomenutim oblastima.



galerija Hrvatsko Udruženja poslodavaca BPK Goražde
(galerija Hrvatsko Udruženja poslodavaca BPK Goražde)